

塔寺壞諸形像及華果樹亦得打地恐怖令去是故說

卷六末

摩訶僧祇律卷第十八

登八

澀色入鉢去涅下果反耳一
非下甕於貢反淀音鞞醯上步碗烏官牸音牛

也屐奇逆鉛錫上音緣下鑽郎塔塊界券丘
反泉監鑒一音邃私遂反癱瘓昨和反
到反下胫蒲朱臂肘下之腋亦誣音汲急倒
子下居机居矣曰杵上音舅下斛胡谷叛畔音
椎鍾上直寇苦候關傾弥窄音責繕音
耕反下楯時尹廩力錦稍音朝長抄楚教補
呂歲反

摩訶僧祇律卷第十九

登

東晉三藏法師佛陀跋陀羅共沙門法顯譯

佛住舍衛城廣說如上爾時優波難陀語兄
難陀共行弟子作如是言阿浮婆共汝入聚
落彼間當與汝飲食我若彼作非威儀事汝
當覆藏莫向人說我是汝叔父我亦覆汝和

尚罪答言正使我父祖公及和尚有罪尚不
覆藏況復叔父汝自可覆藏我和尚罪我終
不能覆藏汝罪優波難陀聞是語已即作是
念今日當今汝得苦惱事即共入城到長者
家擅越見已歡喜問訊即請留食優波難陀
復作是念我當觀望日時欲至遣還精舍今
不及衆食復失此供進退失時足得苦惱作
是念已時至即遣彼還恐失食故並看日時
中還衆食已訖出祇桓門門間彷彿經行遙
見彼來口脣乾燥似未得食即戲調言汝朝
隨他比丘入城得何等種種美食答言唯有
苦惱何處得食諸比丘聞已以是因緣往白
世尊佛言呼優波難陀來來已佛具問上事
汝實爾不答言實爾佛言此是惡事非法非
律非如佛教不可以是長養善法從今日後
知比丘鹿罪不得覆藏佛告諸比丘依止舍
衛城住者皆悉今集十利故爲諸比丘制戒
乃至已聞者當重聞若比丘知比丘鹿罪覆

藏者波夜提比丘者如上說知者若自知若從他聞鹿罪者四波羅夷十三僧伽婆尸沙是名鹿罪覆藏者不欲今他知波夜提者如上說比丘見他犯鹿惡罪不得覆藏覆藏者波夜提應向人說說時不得趣向人說當向善比丘說若同和尚阿闍梨若彼罪比丘凶暴若依王力大臣力凶惡人力或起奪命因緣傷梵行者應作是念彼罪行業必自有報彼自應知喻如失火但自救身焉知餘事爾時但護根相應無罪若比丘知他比丘犯四事十三僧伽婆尸沙若一一覆藏者波夜提三十層薩耆九十二波夜提若一一覆藏者越毗尼罪四波羅提提舍尼衆學法一一覆藏者越毗尼心悔若覆藏比丘尼八波羅夷十九僧伽婆尸沙二覆藏者偷蘭遮三十層薩耆百四十一波夜提若一一覆藏者越毗尼罪八波羅提提舍尼衆學法若一一覆藏者越毗尼心悔式義摩尼十八行法更受學法

法若一一覆藏者越毗尼罪沙彌沙彌尼十戒若一一覆藏更與出家法越毗尼罪下至俗人五戒若一一覆藏者越毗尼心悔是故說垂水及無衣 姮坐屏處坐 往觀三軍陣打掌刀覆藏 第六跋渠竟

佛住毗舍離廣說如上爾時有人著鎧持弓箭入精舍中脫鎧放杖止息樹下精舍中庭前沙地有衆鵠鳥在中戲食時尊者優陀夷見鳥已即語長壽借我弓箭試我手看答言可爾即捉弓并注五箭挽弓放發射殺五鵠即取滅毛以木貫之持授世尊此是鳥肉佛言何處得答言有人著鎧持弓箭至精舍庭前止息樹下從借弓箭試手射鳥本習射法猶故不失佛言癡人此是惡法應早捨棄方言本習手准故在汝常不聞我以無量方便毀呰殺生讚歎不殺而今作是惡不善法此非法非律非如佛教不可以是長養善法諸比丘白佛言世尊衆生應起慈心救護云何

優陁夷反奪其命而無慈心佛言不但今日不起慈心過去世時已曾如是如釋提桓因本生經中廣說佛告諸比丘依止毗舍離城住者皆悉今集十利故與諸比丘制戒乃至已聞者當重聞若比丘故奪畜生命波夜提比丘者如上說故者先作方便奪畜生命者若身身分身方便身者一切身於衆生身上跳踏若推抑欲令彼死死者波夜提身分者欲害衆生故若手若脚若膝若肘若齒若爪等一一用殺是名身分身方便者若手捉杖木瓦石等若就打若遙擲欲令死死者波夜提波夜提者如上說若比丘欲斷畜生命若刀藥塗吐下胎刀者大小刀乃至鍼若比丘殺心捉刀時越毗尼心悔觸彼身越毗尼罪命根斷者波夜提是名刀藥者有三種生合毒生者如尼樓國土鬱闍尼國土有毒草名迦羅是名生合者如獵師合藥若根若莖若葉若華若菓衆草和合是名合毒者蛇毒鼠毒

狼毒貓毒狗毒熊羆毒人毒如是種種若生若合若毒如是一切是名藥若比丘殺心欲殺畜生合藥時越毗尼心悔觸彼身越毗尼罪命根斷波夜提是名藥殺塗者若比丘殺心以藥欲塗畜生時作是念若塗頭腳身令枯乾死捉藥時越毗尼心悔觸彼身者越毗尼罪因是死波夜提是名塗吐者若比丘殺心合吐藥欲令吐膿血吐腸死合藥時越毗尼心悔觸彼身者越毗尼罪因是死波夜提是名吐下者若比丘殺心作下藥欲令彼下膿血腸肚死作藥時越毗尼心悔觸彼身越毗尼罪因是死波夜提胎者若比丘殺心欲墮畜生胎作方便時越毗尼心悔觸彼身越毗尼罪欲殺母而墮胎者越毗尼罪欲殺胎而母死者越毗尼罪欲殺母母死者波夜提欲殺胎胎死者亦波夜提若畜生懷人胎越毗尼罪是名胎行毗陁罪呪肩末鞞撻堵道河行者有畜生若五若十若二十作行列行

時若欲殺前誤殺中欲殺中誤殺後欲殺後誤殺中欲殺中誤殺前皆越毗尼罪若欲殺前前死欲殺中中死欲殺後後死皆波夜提若一切無當死者波夜提是名行毗陀羅呪者若比丘爲殺畜生讀毗陀羅呪起死人讀呪時越毗尼心悔心驚毛堅越毗尼罪因是死波夜提是名毗陀羅呪屑末者若比丘爲殺畜生故作屑末全衆生身欲令乾枯死作方便時越毗尼心悔觸彼身越毗尼罪因是死波夜提鞋者若比丘殺心於畜生常行處食處飲水處施鞋時越毗尼心悔觸彼身者越毗尼罪因是死波夜提是名鞋檻者若比丘殺心於畜生常行處食處飲水處施檻時越毗尼心悔觸身者越毗尼罪因是死者波夜提是名檻檻者若比丘殺心於畜生常行食處飲水處作坑以草土覆上作時越毗尼心悔墮中時越毗尼罪因是死者波夜提是名坑堦道者若比丘於道頭經行見畜生來見已作

是念今當今此無一得脫者殺心駐向師子虎狼恐怖處若國王獵處駐時越毗尼心悔受苦痛時越毗尼罪因是死波夜提是名道河者若僧伽藍近河邊比丘在岸上經行有畜生來比丘見已作是念今當今此畜生無一得活者殺心駐向非濟處若迴波旋復處戶收摩羅處渡彼岸復有師子虎狼處及王遊獵處駐時越毗尼心悔受苦痛時越毗尼罪因是死者波夜提是名河一比丘殺心捉刃時越毗尼心悔受苦痛時越毗尼罪因是死波夜提如是二比丘衆多比丘亦如是若比丘爲殺故與刀遣使若一人二人乃至衆多人亦如是使復轉遣使乃至衆多人與刀時越毗尼心悔受苦痛越毗尼罪因是死者波夜提如是藥毒塗吐下墮胎如刀中廣說若比丘成就五法斷畜生命波夜提何等五畜生畜生想殺心起身業命根斷是名五法是故說佛住舍衛城廣說如上爾時六辟比丘欲令

十六群比丘疑悔故作如是言世尊制戒年滿二十受滿二十聽受具足汝未滿二十而受具足不名受具足作名受具足聞是語已即便大啼佛聞啼聲知而故問是何等小兒啼聲比丘答言是六群比丘欲令十六群比丘疑悔故作如是言世尊制戒年滿二十聽受具足汝等未滿二十而受具足非受具足聞是語已是故啼耳佛言呼六群比丘來來已佛具問上事汝實爾不答言實爾佛言何故如是答言我戲樂故佛言癡人此是惡事惱梵行人而言戲樂佛言汝莫輕彼若入定以神足力能擲汝著他方世界此非法非律非如佛教不可以是長養善法從今日後不聽令他比丘疑悔佛告諸比丘依止舍衛城住者皆悉令集以十利故爲諸比丘制戒乃至以聞者當重聞若比丘故令比丘起疑悔湏臾不樂波夜提比丘者如上說故者先作方便疑悔者有七事生羯磨形相病罪罵詈結使波夜提者如上

說生者作是言長老世尊制戒年滿二十受具足汝不滿二十而受具足不名受具足作是語欲令生疑前人若疑若不疑皆波夜提是名生羯磨者作如是言長老世尊制戒一白三羯磨無遮法汝自不成就羯磨不成就衆不成就如是一不成就非受具足不名受具足作是語欲令他疑悔前人若疑悔若不疑悔皆波夜提是名羯磨形相者作如是言長老世尊制戒身體成就聽受具足汝曲脊跛蹇眼瞎併脚檻頭鋸齒身不具足而受具足不名受具足作是語欲令他疑悔前人若疑悔若不疑悔皆波夜提是名形相病者作是言長老世尊制戒無病聽受具足汝癱疥黃爛癱瘻痔病如是種種病而受具足不名受具足作是語欲令起疑悔彼若疑悔若不疑悔皆波夜提是名病罪者作是言長老世尊制戒清淨者聽受具足汝犯波羅夷僧伽婆尸沙波夜提波羅提提舍尼越毗尼罪而受

具足不名受具足作是語欲令疑悔彼若疑悔若不疑悔皆波夜提是名罪罵者作是言長老世尊制戒歡喜者聽受具足汝不歡喜瞋恚罵詈而受具足不名受具足作是語時欲令疑悔彼若疑悔若不疑悔皆波夜提是名罵結使者作是言長老世尊制戒點慧人聽受具足汝癡不黠如泥團如羊角鵝白鵠受具足不名受具足作是語時欲令疑悔彼若疑悔若不疑悔皆波夜提是名結使若有人來欲受具足若滿二十與受具足若不滿者語言且住待滿二十若彼便於餘處受具足來者不得語今疑悔語者越毗尼罪若比丘臨受具足時若羯磨不成就應彈指語長老汝羯磨不成就若臨時不語者後不得語令起疑悔言汝受具足時白不成就羯磨不成就衆不成就語者越毗尼罪若瞎眼瘻脊脚跛身體不成就來受具足者應語言但爾住彼若於餘處受具足來者不得語今疑悔語

者越毗尼罪若病人來欲受具足應語但爾住若彼便於餘處受具足來者不得語令疑悔語者越毗尼罪若疑悔比丘者波夜提比丘尼偷蘭遮式義摩尼沙彌沙彌尼者越毗尼罪若俗人越毗尼心悔是故說佛住舍衛城廣說如上爾時六群比丘數數易著衣食前著一衣食後著餘衣佛知而故問是何等衣答言是我淨施衣佛言汝云何淨施衣與他不捨而作三衣受用從今日後不聽淨施衣不捨而受用佛告諸比丘依止舍衛城住者皆悉令集以十利故與諸比丘制戒乃至已聞者當重聞若比丘與比丘比丘尼式義摩尼沙彌沙彌尼衣後不捨而受用者波夜提比丘者如上說與者淨施與五種人不捨者後不捨受用者作三衣受用波夜提波夜提者如上說若比丘有多衣忘不識應取一切衣集著一處當捨作是言此衣淨施與某甲某甲於我不計意今還捨若是

三衣者應別捨是我三衣數此僧伽梨先受持今捨此僧伽梨是我三衣數今受持此齋多羅僧是我三衣數先受持今捨此齋多羅僧是我三衣數今受持此安陀會是我三衣數先受持今捨此安陀會是我三衣數今受此是我三衣不離宿受持餘衣長二肘廣一肘以上盡應淨施淨施法者作是言長老此長衣施與其甲某甲於我不計意若浣時縫時有因緣事我當用受持已淨施已著衣架上日日當憶念記識若忘者當語共行弟子依止弟子此是我三衣汝當日日助我憶識若無弟子者應衣角頭書作字若自身對面淨施不捨而受用者波夜提若不對面而自說淨施不捨而受用者越毗尼罪若對他面淨施不捨而受用者波夜提復對餘人不捨受用者波夜提不識衣越毗尼罪無衣越毗尼罪一時捨一時受越毗尼罪不捨作三衣受用波夜提不捨作塔用僧用與人越毗尼

罪不得對面前說淨施當餘人邊說淨施是故說佛住舍衛城廣說如上爾時六群比丘食前取他僧伽梨取他鉢藏著異處是比丘乞食時到欲入聚落求僧伽梨不得復有比丘求鉢不得是比丘問諸比丘長老誰持我僧伽梨去復問誰持我鉢去時六群比丘便笑言長老此僧伽藍大但求之即求經久不得復言長老雇我何物當助汝求聞是語已知是彼歲食後復歲尼師壇及鍼筒諸比丘食已欲林中坐禪求尼師壇不得即言長老誰持我尼師壇去復有比丘言誰持我鍼筒去六群笑言長老此僧伽藍大但遍求即求經久不得復語言汝雇我何物當助汝求聞是語已知是彼歲諸比丘以是因緣往白世尊佛言呼六群比丘來來已佛具問上事汝實不答言實爾佛言何以故余答言戲樂故佛言癡人此是惡事惱諸梵行人而言戲樂此非法非律非如佛教不可以是長養善法

佛言從今以後不聽戲笑藏他衣鉢尼師壇
鍼筒佛告諸比丘依止舍衛城住者皆悉令
集以十利故與諸比丘制戒乃至已聞者當
重聞若比丘藏他衣鉢尼師壇鍼筒乃至戲笑
波夜提比丘者如上說衣者七種衣也鉢者瓦
鉢鐵鉢有三種上中下尼師壇者如世尊所
聽鍼筒中有鍼藏者若自藏若使人藏乃至
戲笑波夜提波夜提者如上說三衣中若藏
一衣者波夜提若僧祇支及餘衣等越毗尼
罪三種鉢中若一一藏波夜提若鍵鑑及餘
器越毗尼罪藏尼師壇者波夜提藏餘敷具
越毗尼罪鍼筒者有鍼合藏波夜提無鍼越毗
尼罪歲有縷鍼波夜提無縷鍼越毗尼罪有
縷鍼但脫取縷藏越毗尼罪戲笑藏比丘衣
波夜提比丘尼偷蘭遮式義摩尼沙彌沙彌
尼越毗尼罪下至俗人越毗尼心悔是故說
佛住舍衛城廣說如上爾時六群比丘從禪
坊中起在屏處闇地立悚耳皺面反眼吐舌作

喂喂聲恐怖十六群比丘比丘聞已即心恐怖
舉聲啼哭佛知而故問是何等小兒啼聲諸比
丘以是因緣具白世尊佛言呼六群比丘來
來已佛問六群比丘汝實尔不荅言實尔佛
言何以故爾荅言戲樂故佛言癡人此是惡事
惱梵行人而言戲樂佛言汝莫輕彼彼若入
定能以神力擲汝著他方出界此非法非律
非如佛教不可以是長養善法佛告諸比丘
依止舍衛城住者皆悉令集以十利故與諸
比丘制戒乃至已聞者當重聞若比丘恐怖
比丘者波夜提比丘者如上說恐怖者色聲香
味觸波夜提波夜提者如上說色者在闇地
悚耳皺面反眼吐舌乃至曲一指喂喂作恐
怖相彼若畏若不畏波夜提是名色聲者馬
聲馬聲驢聲如是等種種聲或長聲或止卒
聲長引乃至鬚耳作恐怖相彼若畏若不畏
波夜提是名聲香者作是言長老是有馳
香富單那惡鬼香鷄香作是種種恐怖相彼

若畏若不畏波夜提是名香觸者熱冷輕重

滑澁熱者若以火若以日炙衣鉢鍵磁指戶

鑰使熱觸彼身作是言長老火起火起作如

是恐怖相彼若畏若不畏波夜提是名熱冷

者若以扇風衣風若水灑作是言長老雨雪

雨雪作如是恐怖相彼若畏若不畏波夜提

是名冷重者持重拘攝重抗押上作是言長

老壁倒壁倒作如是恐怖相彼若畏若不畏波

夜提是名重輕者以諸輕細衣覆上作是言

長老雲墮雲墮作如是恐怖相彼若畏若不

畏波夜提是名輕滑者若優鉢羅華塗拘牟

頭華蓋湏捷提華蓋若戶拘觸彼身作是言

長老是馳是馳作如是恐怖相彼若畏若不

畏波夜提是名滑盪者鉢頭摩華蓋分陁利

華蓋觸彼身作是言長老此是百足車作如

是恐怖相彼若畏若不畏波夜提是名躍恐

比丘者波夜提比丘尼偷蘭遮式又摩尼沙

彌沙彌尼越毗尼罪下至俗人越毗尼心悔

是故說

佛住舍衛城爲諸天世人之所供養多所利

益爾時舍衛城中有姊妹二人姪身未產在

家有信出家爲道諸比丘尼見其腹相即便

駁出以是因緣往白出尊佛言在家姪身無

罪此比丘尼後生男兒字童子迦葉至年八

歲出家爲道成阿羅漢共十六辟比丘各持

澡盥到阿耆羅河邊澡洗入水仰覆浮戲渡

河來往拍水沫沒爾時波斯匿王在重樓閣

上四望觀看王未信佛法見是事已倍生不信

即語末利夫人言看汝家所事福田夫人

深信無疑不迴顧看即答言大王或是年少

出家始受具足未知戒律或世尊未制此戒

是故爾耳王語夫人言喻如家長語時眷屬

隨從如和尚阿闍梨語時弟子隨從沙門瞿

曇語時弟子皆言如是世尊如是修伽陀我

共汝語而汝不迴顧看爾時尊者童子迦葉

於其中入頂四禪以天耳聞王語聲即語諸

伴比丘作是言長老王倍生不信末利夫人
心生不悅今當令彼發歡喜心皆言善哉各
各即捉澡盥盛滿中水以著於前結跏趺坐
次第行列陵虛而逝於王殿上空中而過時
未利夫人在露處坐見其坐影已即便仰觀
見次第行列結跏趺坐前皆有澡盥乘虛而
去似如鴈王見是事已心大歡喜即白王言
看我家福田神德如是王見已心大歡喜作
如是言善哉我得善利願世尊及比丘僧盡
壽在我國內爲良福田諸比丘聞王嫌故以
是因緣往白卅尊佛言呼十六辟比丘來來
已佛具問上事汝實爾不答言實爾佛言我
今罰汝因汝當爲諸比丘制戒佛告諸比丘
依止舍衛城住者皆悉令集以十利故爲諸
比丘制戒乃至已聞者當重聞若比丘水中
戲波夜提比丘者如上說水者有十種戲者
跳渡還渡沒出撥拍澆湊波夜提波夜提者
如上說跳者戲故跳入水中波夜提若行岸

崩墮水若船行衝岸木石撥墮水中者無罪
是名跳渡者以戲故渡水波夜提若行欲渡
若渡物若河彼岸有僧事塔事宜數數經理
若欲學浮渡者無罪還者以戲故還渡水波
夜提若有所忘失爲物故還渡取無罪沒者
以戲故沫沒波夜提若鉢小鉢銅釤器物墮
水沒沒取無罪爲漂洗故沒無罪出者以戲入
水出水波夜提爲取物故無罪撥者以戲故
撥水波夜提若水上熱爲取冷水故撥取下
水無罪拍者以戲故拍水波夜提若水上有
倒苟亟拍令入下取無倒水無罪澆湊者以
戲故在水中澆湊岸上越毗尼罪岸上澆湊
水水中者越毗尼罪水中澆湊水中者波夜提
陸地澆湊陸地者越毗尼罪若比丘病刺頭出
血迷闕若熱病迷闕以冷水灑無罪若比丘
誦經時眼睡以冷水灑無罪若比丘食上沙
彌撓亂恐俗人不信故知事者以水澆湊無
罪是名澆湊若爲和尚阿闍梨洗以水盡皆

越毗尼罪若比丘食上戲故以水盡鉢犍鑑器上作字越毗尼罪若洗腳時以水盡木上及盡瓮甕瓶一越毗尼罪以指彈水作聲越毗尼罪以水跳空中接取越毗尼罪是故說佛住舍衛城廣說如上爾時八日十四十五日齋日比丘尼來詣佛所頭面禮拜問訊時十六群比丘去佛不遠在一處坐優鉢羅比丘尼脂梨沙彌尼亦來禮拜問訊禮拜問訊已往十六群比丘所以同年少相好樂故至彼中坐坐不正故彼見已更相指示而笑時有婆羅門極醜陋瘦脊併脚將一年少端正婦來見諸比丘笑已作是念此諸比丘見我醜陋將端正婦必當笑我即瞋恚言沙門釋子不知儀則而形矣我諸比丘即答言我不笑汝婆羅門言不爾正笑我耳作是語已往至佛所作是言奇異瞿曇沙門釋子不知儀則見我醜陋將端正婦而形矣我佛即為婆羅門隨順說法示教利喜歡喜而去去已佛言呼

十六群比丘來來已佛問比丘有婆羅門極醜陋將端正婦汝見已實笑不答言不笑婆羅門汝笑誰答言汝尊齋日優鉢羅比丘尼脂梨沙彌尼來到我所坐不正故我見已互相指示是故笑耳佛言梵行尼坐不正汝當方便令起去何笑之今當罰汝因是為諸弟子制戒佛告諸比丘依止舍衛城住者皆悉令集以十利故為諸比丘制戒乃至已聞者當重聞若比丘以指相指波夜提比丘者如上說以一指指波夜提乃至五指亦如是一切手指波夜提以拳指偷蘭遮若木若竹指越毗尼罪若比丘共諍以指相指波夜提若直月若知事人差次食以指指言某甲去波夜提若捉竹木指越毗尼罪應語言某甲當次食去若沙彌眠欲喚起者應彈指若不覺者不得以指桎當牽衣挽令覺若諸比丘在俗人家坐摩訶羅比丘坐不正者應語汝正坐若不覺者應語正汝衣復不覺者應語言

摩訶羅覆汝形體若比丘至比丘尼精舍中坐比丘尼禮比丘足已在比丘前坐若坐不正者不得語令慚愧應作方便令起取物若檀越家坐婦女來禮比丘足在前坐不正者不得語令慚愧當作方便發遣取物若姪姪女來試弄比丘故不正坐者不得語但當避去是故說

佛住毗舍離廣說如上時有一人其婦不可意瞋恚極打便出婦作是念彼瞋未息若更打者定死無疑今當走避即便出門見有比丘乞食還欲出城婦人即問言阿闍梨梨欲何處去答言欲出城去婦人言我欲隨尊去比丘言姊妹此是王道何爲見問即隨後去其夫後作是念我婦得打或能走去即入不見其婦即問餘人言何處去答言適出隨是道去即從後逐見其婦隨比丘後即生瞋恚作是罵言弊惡沙門誘我婦去便捉比丘熟打將詣斷事官所作是言此比丘誘我婦去斷事

人言一一將來驗問事實即問比丘汝出家人何將他婦走答言不爾何因相隨答言我乞食還欲出城婦人問我欲何處去我答言王道何用見問事實如是斷事人言將比丘出喚婦人來問言是沙門偷汝去耶答言不爾何因相隨答言夫主見打以夫瞋未息復恐重打因懼失命故是故避走遇見比丘即問言尊何處去答我欲出城我言欲隨尊去比丘言此是王道何用見問事實如是實非彼所偷即遣婦人出復呼比丘問言汝出家人偷他婦去云何妄語望得脫耶向者女人言汝實偷汝何言不比丘答言不爾復更重問答辭如初遣比丘出復喚女人問言弊死女人棄夫逃走妄語欺官望得脫耶向者比丘言實偷汝汝何言不答言實不爾如是三問答辭如初即留女人喚比丘來對驗情狀觀望顏色知其虛實答辭如初官問比丘汝鉢

何以破荅言破耳衣何故裂壞荅言裂耳肘膝何以傷破荅言傷耳婦瞋夫未息憐彼比丘受苦如是而不語官即向官說官聞是已極大瞋恚作如是言弊惡罪人汝便是王更無餘人即勑官人料理比丘給其湯藥與其衣鉢即取是人繫著獄中藉家財物沒入官庫諸比丘以是因緣往白世尊佛語諸比丘何處一切王家得是信心此不與共期過患如是況復共期從今日後不聽與女人共期行佛告諸比丘依止毗舍離城住者皆悉令集以十利故爲諸比丘制戒乃至已聞者當重聞若比丘與女人共期道行乃至聚落中間波夜提比丘者如上說女人者若母姊妹若大若小在家出家共期者若今日明日半月一月道者三由延兩由延一由延半由延一拘盧舍半拘盧舍乃至聚落中間者波夜提波夜提者如上說若比丘與女人共期道行經一一聚落中間一波夜提若還來者

亦一一波夜提餘如九十二第二跋渠中與比丘尼共期著道行中廣說此中以女爲異耳是故說

佛住舍衛城廣說如上爾時尊者阿那律在塔山夏安居竟還舍衛城禮覲問訊出尊行路中間日真欲入聚落求宿止處時聚落中有一母人將一女欲出村取水道路相逢女見比丘顏色端正威儀庠序即生欲想比丘入聚落遍求宿處不得作是念當還出外於樹下宿即便還出復逢彼母子時女問母言此沙門向冥欲何處去荅言不知女言阿母可問母即問言沙門向冥出聚落欲至何所答言我入聚落求宿處不得還欲出外樹下止宿女語母言可將歸家借其宿處女即語言沙門隨我還家當借宿處比丘即隨還至家與一房語言沙門此中可宿比丘即敷草席結跏趺坐母子食訖還自眠處是比丘道行疲極偃息而卧女伺母眠熟已徐徐竊起

至比丘所牽其草蓐比丘覺已起正身坐女人性弱即便却去去已比丘還復卧此女須臾復來如世尊所說有五種人夜多不眠何等五女人起欲想憶男子故夜多不眠男子起欲憶女人故夜多不眠賊有盜心夜多不眠王憂念國事故夜多不眠精進比丘修習道業夜多不眠此女人不得眠復徑竊起來牽其草蓐比丘覺已復正身坐乃至地了明日至佛所佛遙見已知而故問誰燒觸沒顏色不悅即以上事具白世尊佛告諸比丘依止舍衛城住者皆悉令集以十利故爲諸比丘制戒乃至已聞者當重聞若比丘與女人同室宿波夜提比丘者如上說女人者若母姊妹若大若小在家出家室者同障同覆宿者俱眠波夜提波夜提者如上說共一房有隔別戶無罪異房無隔波夜提共房共隔波夜提別房異戶無罪有覆有障波夜提有覆半障越毗尼罪有覆無鄣無罪有障有覆波夜

提有障半覆越毗尼罪有障無覆無罪比丘女人俱室內波夜提比丘室內女人半身在屋內越毗尼罪比丘屋內女人屋外無罪女人比丘俱屋內波夜提女人屋內比丘半身在屋內越毗尼罪女人屋內比丘在屋外無罪若佛生日大會得道日大會轉法輪日大會羅云大會阿難大會般遜于瑟大會若通夜說法者當在露地若風若雨若雪墮寒者當入屋裏正身坐若老若病不能坐者當施障隔障隔不得用疎物高齊肩披若比丘道路行入聚落宿時當別房別隔若無屋者當露地宿若風雨寒雪當入屋內正身坐若老病劣弱不能坐者當作障隔若無障者女人可信應語言優婆夷汝先眠我坐比丘欲眠時語令起我欲眠汝莫眠眠者汝無福若雌鷄乃至鷄若駱駝牛驢擎頭時未得罪委頭眠者波夜提若雌狗舒頭時無罪屈頭眠時波夜提鵝孔雀鷄舒頭無罪屈頭著翅下波

夜提魚正立時無罪倚眠時波夜提若衆多比丘在房內眠母人抱眠女兒入者一切眠比丘波夜提若維那知事人應語母人汝正豎兒抱入是故說

佛住舍衛城廣說如上爾時尊者優陀夷與一知識同聚落婆羅門婆羅門女出嫁至異聚落遺信語父若阿闍梨時時來看我如二不定法中因緣廣說乃至佛告優陀夷癡人在家俗人知出家人所應行法不應行法汝不信心出家而不知出家人所應行法此非法非律非如佛教不可以是長養善法從今日後不聽共女人獨空靖處坐是故起耳女言尊者莫起我自起起者無罪減七歲女在階道不聽共女人獨空靖處坐是故起耳女言尊者莫起我自起起者無罪減七歲女在階道板上坐坐已復第二板上坐坐復起第三板上坐如是一一從處坐一一波夜提若家中舍衛城住者皆悉令集以十利故爲諸比丘制戒乃至已聞者當重聞若比丘與女人獨空靖處坐波夜提比丘者如上說女人者若母姊妹若大若小在家出家獨者獨一女人更無餘人設有餘人若眠癡狂心亂苦痛嬰兒非人畜生雖有是人故名獨空靖者寂靖

處坐者共坐波夜提波夜提者如上說若比丘與女人共坐竟日坐者一波夜提若比丘女人中間起更坐一一波夜提若比丘受請到檀起家坐女人下食已坐比丘前復起益食如是隨起復坐一一波夜提一女人比丘邊坐一女人來往益食女人出時比丘應起起時不得趣起恐彼女疑謂呼比丘有異想應先語姊妹我欲起何故起答言出尊制戒不聽共女人獨空靖處坐是故起耳女言尊者莫起我自起起者無罪減七歲女在階道板上坐坐已復第二板上坐坐復起第三板上坐如是一一從處坐一一波夜提若家中作務淨人來往不斷者無罪若門向道道中行人如乞比丘食頃不斷彼即當淨人無罪若比丘女人於閣上共坐閣下淨人遙見比丘比丘亦見淨人無罪比丘女人在閣下坐閣上人亦如是或見而非聞或聞而非見亦見亦聞非見非聞見而非聞者淨人遙見比丘

女人共坐不聞語聲越毗尼罪聞而非見者
聞語聲不見其人越毗尼罪亦見亦聞者見
共坐聞語聲無罪非見非聞者波夜提盲淨人
者越毗尼罪聾淨人越毗尼罪盲聾淨人者
波夜提一盲一聾淨人者無罪若淨人眠者
當動令覺此罪亦是聚落亦阿蘭若處亦是
時亦非時亦是晝亦是夜是屏處非露處是
空靖非衆多是近非遠是故說

故奪及疑悔 不捨藏畏怖 水戲指相擬
共行同室宿 空靖處亦然 第七跋渠竟
佛住舍衛城廣說如上爾時毗舍佉鹿母長
請祇洹僧次第到其舍食時毗舍佉鹿母頭
面禮僧足次第而下到十六群比丘所見其年
少身色柔軟而能捨家女人多慈起兒子想
亦敬法故即便問言祇洹衆僧無供時尊者
何處得食答言時到著衣持鉢家家乞食即
語尊者若無供時來我家食我自今以後若
無人供日我當施食年少比丘聞是語已即

便受請至無供日到其家食鹿母長請佛時
尊者阿難日日到彼爲請食故見十六群比
丘在其家食此諸年少起惰恣言母此食太
多荅言子減之復言太少荅言子當益如是
或嫌冷熱堅軟甜酢酸淡如是種種難可稱
適鹿母信心多慈荅言子隨索隨與阿難見
已作是念若此是不信家便起惡心以是因
緣白佛言善哉世尊願從今日勿與小兒受
具足戒佛言從今日後年未滿二十不得與
受具足

復次佛住舍衛城廣說如上爾時摩訶羅父
子二人在家有信捨家修道其子沙弥供給
五百比丘諸比丘或索楊枝或索樹葉如是
衆多不能得供時摩訶羅念曰我正有一子
供給五百比丘所索衆多不能得供如是不
久必當生病然世尊制戒年未滿二十不與
受戒雖知不應且與受之令其免苦彼即將
比丘出到戒場與受具足受具足已諸比丘

猶如前法喚言沙弥與我知淨楊枝及草樹葉彼即答言我以受具足云何故喚沙弥諸比丘言誰與汝受答言我婆樓醯諸比丘以是因緣具白世尊佛言呼摩訶羅來來已佛具問上事汝實爾不答言實爾佛言此是惡事摩訶羅汝云何知人年未滿二十而與受具足佛言從今日後不聽年未滿二十而受具足佛告諸比丘依止舍衛城住者皆悉今集以十利故爲諸比丘制戒乃至已聞者當重聞若比丘知人年不滿二十與受具足波夜提諸比丘應呵責是人不名受具足比丘者如上說知者若自知若從他人聞不滿者不滿二十雨減二十年是名不滿二十雨減二十雨滿二十年是名不滿減二十雨過二十年是不名滿冬時生還冬時受未經安居竟竟是名不滿春時生還春時受未經安居竟然是名不滿前安居生還前安居受未經前安居竟然是名不滿後安居生還後安居受未經

後安居竟是名不滿此人減二十時人年謂減半謂滿半謂減者波夜提謂滿者無罪此人名受具足此人年減二十時人一切謂不滿與受具足一切波夜提此人不名受具足此人年減二十時人一切謂滿與受具足一切無罪此人名受具足滿二十雨減二十年是名滿二十滿二十雨滿二十年是名滿二十滿二十雨過二十年是名滿二十冬時生安居竟受具足是名滿二十春時生安居竟受具足是名滿二十前安居時生前安居竟受具足是名滿二十後安居時生後安居竟受具足是名滿二十滿二十雨時人半謂滿半謂不滿謂不滿者越毗尼罪謂滿者無罪是名受具足滿二十雨時人一切謂不滿一切越毗尼罪是不名受具足滿二十雨一切謂滿一切無罪是人善受具足若比丘知人不滿二十與受具足此諸比丘應呵責已波夜提悔過波夜提者如上說若有人來欲受具足日

滿者應與受具足不滿者應語令待滿若前人不知者當問其父母親里若復不知者當看生年板若復無是者當觀其顏狀觀時不得直觀形體或貴樂家子形大年小當觀其手足成就不若如是復不知者當問何王何歲國土豐儉旱澆時節是故說

佛住舍衛城廣說如上爾時舍衛毗舍離二國有嫌互相抄伐時毗舍離人來舍衛抄劫人民得物去還入本界生安隱想解仗止息舍衛王作是念我爲國王應却敵安民云何使賊劫掠人物即勑將士仰汝追捕必使擒獲若不得者不足空還將士念言王教嚴重事應宜速即集兵衆尋蹤掩捕時舍衛比丘安居竟欲詣毗舍離諸比丘失道墮彼賊中賊便驚愕問比丘比丘汝是何人答言我出家人何道出家答言釋種出家問言大德汝欲那去答言欲向毗舍離失道到此即示其道時比丘問賊長壽汝欲何去答言向毗舍離

比丘復言當共作伴彼即答言我等是賊劫奪他物經涉榛木行不擇路汝是善人云何隨我此是直道可從是去比丘復請願將我去勿復令我重遭失道賊答如初如是至三語言未竟追捕尋至合捉比丘將至王所作如是言大王此是群賊王言先將比丘來來已王言汝出家人云何作賊比丘答言我非是賊何故相隨比丘以上事具向王說王言遣比丘去將此賊來問賊言此出家人是汝伴不答言非伴何故相隨賊以上事具向王說王言將賊去更喚比丘來來已王問比丘汝出家人云何作賊妄語欺官望得脫耶賊道汝是伴何以言非比丘答如初王即敕勦禁官放比丘去賊如法治罪便取五百群賊著迦羅華蔓打鼓巡令四交道頭唱喚而出欲將殺之賊大啼喚佛知而故問比丘是何等衆多人聲比丘答言世尊是五百群賊被王教令將欲殺之是其聲耳佛告阿難汝往語

王汝是人王當愍民如子云何一時殺五百人阿難受教即詣王所具說佛語王言尊者阿難我知是事殺一人罪報甚多況復五百人但是賊數來壞我聚落抄掠人民若世尊能使是人不復作賊者可放今活阿難還以王所說具白佛佛語阿難更往語王王但放去我能令此人從今日後更不作賊阿難受教已先到刑處語監殺者言是諸罪人世尊已救未可便殺復語賊言汝能出家不賊言尊者我本若出家不遭此苦今甚願樂何由可得阿難即至王所作是言世尊語王我能令此人從今日後更不作賊王即勅監官可原生命且未解縛送詣世尊佛自放之余時世尊欲度彼人故在露地坐賊遙見佛結縛自解頭面禮足却住一面佛觀其宿緣隨順說法布施持戒行業報應苦習盡道四真諦法即於是時得須陀洹道問言汝等樂出家不答言世尊我等先若出家不遭此苦唯願

今者度我出家佛言善來比丘作是語時五百群賊舉身被服變爲三衣自然鉢器威儀庠序如似百歲舊比丘皆成羅漢諸比丘白佛言世尊去何五百群賊蒙世尊恩自然解脫佛言不但今日蒙我解脫過去世時已曾蒙我如猕猴本生經中廣說佛告諸比丘依止舍衛城住者皆悉今集以十利故爲諸比丘制戒乃至已聞者當重聞若比丘與賊期共道行乃至聚落間波夜提比丘者如上說賊者劫盜期者若今日明日一月半月道者三由延二由延一由延一拘盧舍半拘盧舍乃至聚落波夜提波夜提者如上說不得與賊共期道行若比丘欲行時當求車伴人伴賊相貌有三事可知香色莊嚴香者在曠野中食熟肉生肉氣色者常恐怖色莊嚴者終日結束面黑髮黃肉惡似閻羅人是三種名爲賊相不應共行若賊詐稱作好人著好衣服到空迴處展轉相語今日當入是聚落破

牆壁劫奪財物不問沙門婆羅門一切盡取當知是賊是時不得即便捨離且隨順去若近聚落方便捨去若賊覺者應語長壽我正到此耳若與賊共期道行波夜提與女賊共行亦如是與偷金賊共行波夜提與叛負責人共行越毗尼罪是故說

佛住曠野精舍廣說如上尔時營事比丘自掘地作基作塼作泥爲世人所譏沙門瞿曇無量方便毀訾殺生讚歎不殺而今自手掘地作基作塼作泥故傷一根命此是敗人何道之有諸比丘以是因緣往白世尊佛言呼營事比丘來來已佛問比丘汝實爾不荅言實尔佛語比丘此中雖無命根出家之人所不應作當少事少務莫爲世人所譏失他善福從今日後不得自手掘地佛告諸比丘依止曠野比丘皆悉令集以十利故與諸比丘依制戒乃至已聞者當重聞若比丘自手掘地若使人掘指語掘波夜提比丘者如上說自

手者若身身分身方便身者舉身跳躡走來走去欲令壞地者波夜提是名身身分者若手若腳若膝若肘若指爪是名身分身方便者若鉢鑊斧鑿竹木自手掘若遙擲欲令壞壞者波夜提地者生作生者大地是名生於者基作上作基作者露地牆壁上作者重閣屋上覆土是名上作自掘者自掘使人掘乃至言掘是地波夜提波夜提者如上說若自方便多掘一波夜提若中間止住一一波夜提使人者若使他人掘前人多掘一波夜提若重語使掘疾掘語語波夜提若比丘欲使地平作方便掃地越毗尼罪若傷如蚊脚波夜提不作方便無罪若方便牽曳木欲使破地牽時越毗尼罪若傷如蚊脚波夜提不作方便無罪若駁牛馬欲使破地亦如是不作方便無罪若欲使地平故經行行時越毗尼罪傷如蚊脚波夜提住坐卧亦如是不故者無罪若比丘河邊坎上以脚躡躡躡躡波夜提坎岸邊

行土崩無罪若土塊一人不勝破者波夜提破減一人重者無罪若比丘捉木石壇瓦鉢罐擲地不故雖傷無罪若營事比丘多有塔物僧物欲藏地中若在露處生地不得自掘當使淨人知若在露處死地得自掘藏若地打拴越毗尼罪傷如蚊脚波夜提拔拴時越毗尼罪傷如蚊脚波夜提若比丘欲張氈毘湏釘四角若覆處死地自釘無罪若露處生地當使淨人知拔時當使淨人知若比丘房內釘壁毀損成功越毗尼罪若先有故孔無罪若比丘外被雨地傷如蚊腳波夜提若欲盡地越毗尼罪傷如蚊腳波夜提盡末土無罪若營事比丘欲作摸拭當盡板木壇上若泥覆朽故房舍欲撤時不得自撤當使淨人若欲壞壁時當使淨人却泥然後自得搘壇至基際使淨人搘若壁不正者以曾被雨使淨人搘兩三行然後自搘至地際復使人搘若壇坏聚被雨已不得自取使淨人取上兩三

重然後自取至地際復使淨人若覆上者得自取到地際應使淨人取壇取亦如是若死土被雨已比丘不得取使淨人取盡雨所洽際然後自取無罪若鼠壞被雨不得取應使淨人若新雨後比丘不得自抒并應使淨人抒若淨人小不能者當先下淨人擾令濁然後自抒若池水洗水新雨後比丘不得自抒若牛馬先涉得自抒若泥被雨後不得自取使淨人取若池泥洗泥新雨後比丘不得自取使淨人若水瀆若屋流水道新雨後比丘不得自抒使淨人抒若大小行用水時手摩地波夜提當用灰土巨磨若雨澆推土聚一處比丘不得取使淨人取若瓦瓶器物在露地經雨已比丘不得自取使淨人取若洗腳木經雨後不得取若木石壇瓦種種諸物在露地雨後比丘不得取使淨人知掘地波夜提半沙越毗尼罪純沙無罪石薑石糞灰亦如是是故說

上
杼音序又
也
神呂反

摩訶僧祇律卷第十九

登

鎧 苦反 猫 音茅一 鎏 音盜 植 下音條 押 二字正作
道 音苗一 罷 下音維 鞍 丁回反 軛 上正作
跋 音苦 塵 下音碑 檻 上正作 摧 下音壓 犬 上
蹇 居必我反 行 剛反 復 伏似宣及向反 騰 其向反 俱 下音壓
頭 前作檻頭 角 碼下尺 黯 慧上 關 白 鵠 胡丁
瘞 蕉瘞脊 脂 朱反 跡 縫音 馴 耳上 古木 胡
聾 反 破 瘦上側 滑 翟上 戶 鑰下
面 或作僂 脣 呂去反 滓 泣字八反 鑰 藥
狗 亦法衣 攝 之齋 抗 押上 濡 鹽二字音 滲 滅上
箭 箭 正 作金孟 押 浪反 盡 早貫 滲 滅古音
藉 亦反 家 才草蓐辱 濡 於育反 指 持日反 知 知
弄 音 藉 燒觸上 滲 指持日反 指 持日反 知 知
家 亦反 般 遮 滲 滅上 滲 滅古音
也 亦反 般 遮 滲 滅上 滲 滅古音

摩訶僧祇律卷第二十

登十

東晉三藏法師佛陀跋陀羅共沙門法願譯

佛住舍衛城廣說如是爾時梨車摩訶男請僧施藥時六羣比丘聞摩訶男請僧施藥當試惱之明日晨起著入聚落衣到其家共相問訊我聞檀越請僧施藥爲實爾不答言實爾尊者有所須耶答言須藥須何等藥答言須爾所酥爾所油爾所蜜爾所石蜜爾所根藥葉藥華藥菓藥彼言即日未具須辦當與比丘言汝當備藥然後請僧供一比丘藥如給一大象我今一人索藥尚不能得況復衆多汝但求名譽無有實心彼言尊者王家庫

千瑟 上般音餘此鳥斯反 驕鵠 二同 惡狂
徒斯 上去 紫舌酢 上徒添反 旱澇 下郎抄罰
榛木 巾助音 摘獲禽 上青 被襲 下驚愕
斧鑿 下音甫 可原元 下音坎苦感 鍮鑼 上
搏坏 上音專 模式 上 莫撤直列 下俱遇吾
他的 反 沽 俟央反 鼠壤 下汝兩